

Annwyl Bawb

## **E-FWLETIN: 2 CHWEFROR 2009**

Mae'r mis bach wedi cyrraedd a minnau newydd sylweddoli ei fod yn amser yr e-fwletin nesaf! Dyma fanylu felly ar rai o'r pethau sy'n digwydd ym Morlan dros yr wythnosau nesaf.

### **CYSGOD Y CAPEL**

**9.00-4.00, Llun i Gwener, hyd at 28 Chwefror**

Arddangosfa ddiweddaraf Gareth Owen sy'n cynnwys paentiadau a gosodiadau sy'n adlewyrchu dylanwad y capel a'r Pethe arno ef fel unigolyn. Cafwyd noson ddiddorol iawn pan agorwyd yr arddangosfa gyda Gareth yn esbonio nifer o'r darnau ac yn sôn am yr hyn sy'n ei ysbrydoli fel arlunydd – a hynny mewn modd difyr a ffraeth. Bydd Gareth yn ôl yma eto am 7.00, nos Iau, 26 Chwefror er mwyn cynnal trafodaeth bellach ar ei waith. Bydd pawb wedi cael cyfle i weld yr arddangosfa erbyn hynny ac ystyried y darnau sy'n cyffwrdd ar destunau y gallwn ni i gyd uniaethu â nhw. Dewch i drafod felly – mynediad am ddim, a chewch banded a chacen!

### **RHWYDWAITH HEDDWCH A CHYFIAWNDER ABERYSTWYTH**

**8.15, nos Fercher, 4 Chwefror**

Cyfarfod y grŵp lleol sy'n annog heddwch a chyfiawnder trwy ddulliau di-drais.

### **SESIYNAU GALW I MEWN AR GYFER DARPAR WIRFODDOLWYR**

**10.00-4.00, dydd Iau, 5 Chwefror a dydd Mawrth, 24 Chwefror**

CAVO sy'n trefnu'r sesiynau hyn ar gyfer pobl sy'n chwilio am gyfleoedd gwirfoddoli neu fudiadau sy'n defnyddio gwirfoddolwyr ac angen help recriwtio gwirfoddolwyr. Byddant yn cael eu cynnal yma ddwywaith y mis tan yr haf.

### **CYFARFOD AMNEST RHYNGWLADOL**

**7.30, Nos Iau, 5 Chwefror**

Cyfarfod misol nesaf y gangen Amnest leol.

### **CYMHORTHFA ELIN JONES, AC**

**2.00-4.00, prynhawn Gwener, 13 Chwefror**

Cysylltwch â swyddfa Plaid Cymru am wybodaeth bellach (01970-624516; [elin.jones@wales.gov.uk](mailto:elin.jones@wales.gov.uk))

### **DIWRNOD YMWHYBYDDIAETH O DWYLL**

**10.00-3.00, dydd Mercher, 18 Chwefror (cinio bwffe am ddim – ond rhaid archebu lle)**

Ydych chi wedi derbyn llythyr yn dweud eich bod wedi ennill y loteri? Ydych chi'n ansicr ynglŷn â gwerthwyr drws i ddrws? Ydy'r Trosglwyddiad Digidol yn eich drysu? Yn ystod y digwyddiad hwn cewch gymorth a chynghor ynglŷn â sut i adnabod twyllwyr ac osgoi bod yn ddioddefwr. Trefnir gan Age Concern Ceredigion. Am ragor o wybodaeth neu i archebu lle, cysylltwch â Samantha Latham (01545-570055 neu [saml@ceredigion.gov.uk](mailto:saml@ceredigion.gov.uk)).

### **HAND IN HAND**

**7.00, nos Wener, 20 Chwefror**

Cynhyrchiad Theatr Powys o *Hand in Hand*. Penllanw trioled Chris Cooper yw *Hand in Hand* yn dilyn ôl troed *Morgiana's Dance* ac *Angel*. Stori sydd ar unwaith yn ddoniol, yn ddwys ac eto ychydig bach yn od – yn union fel y plentyn oddi mewn i ni sydd angen gofal tyner. Mae *Hand in Hand* yn addas ar gyfer pawb dros 6 oed – pawb sy'n gwybod bod yn rhaid i ni ddod yn ffrindiau. Tocynnau: £6 (gostyngol: £4) ac ar gael o flaen llaw o'r Morlan.

**CYSGOD Y CAPEL: trafodaeth ar ddylanwad capeli a chelf**

**7.00, nos Iau, 26 Chwefror**

Trafodaeth bellach ar arddangosfa ddiweddaraf Gareth Owen (gweler uchod).

Os gwyddoch chi am unrhyw rai fyddai â diddordeb mewn cael gwybod am beth sy'n mynd ymlaen ym Morlan, mae pob croeso i chi anfon yr e-fwletin hwn ymlaen atyn nhw.

Os nad ydych yn dymuno derbyn yr e-fwletin hwn bellach, rhowch wybod i ni trwy ateb y neges hon ac fe dynnwn eich enw o'r rhestr postio ar unwaith.

Cofion gorau

Carol Jenkins

Rheolwr